

## **YANGI KONSTITUTSIYA – TARAQQIYOT ASOSI**

*Sobirova Asilabonu Aziz qizi*

*O'zbekiston davlat jahon tillari universiteti*

*Ingliz tili uchinchi fakulteti 2201-guruh talabasi*

**Annotatsiya** Ushbu maqola O'zbekiston Respublikasi Konstitutsiyasi, milliy qadriyatlar, adolatli fuqarolik jamiyati, huquqiy-demokratik davlat barpo etish, inson huquqlari, sha'ni, erkinligi oliy qadriyat oliy qadriyat hisoblanishini yoritishga bag'ishlanadi. O'zbekiston Respublikasi Konstitutsiyasiga kiritilgan eng yangi o'zgarishlar va ularning hozirgi kundagi ahamiyati haqida ma'lumotlar berib o'tiladi.

**Kalit so'zlar:** Yangi O'zbekiston, referendum, davlat, jamiyat, inson huquqlari.

Konstitutsiya bu – har bir mustaqil davlatning asosiy poydevori hisoblanadi. Shu bilan birga Konstitutsiya barcha joriy qonunlarning asosidir. Mamlakatimizning o'tmishida ham qonunlar ezgulikka va taraqqiyotga, tinchlik va fidokorlikka bag'ishlangan. Buning yorqin misoli sifatida “Temur tuzuklari” nomi bilan mashhur bo'lgan, Markaziy Osiyo xalqlari tarixiga kuchli ta'sir ko'rsata olgan asarni keltirib o'tishimiz mumkin.

Mustaqil O'zbekiston Respublikasining Konstitutsiyasi 1992-yil 8-dekabr sanasida qabul qilingan bo'lib, bu qonunga ikki marta yuzga yaqin qo'shimcha va o'zgartirishlar kiritilgan. 1992-yil qabul qilingan Konstitutsiya 6 bo'lim, 28 bob, 128 moddadan iborat edi. Barchamizga ma'lumki, 2023-yil 30-aprel sanasida referendum o'tkazilgani munosabati bilan Konstitutsiyamizga qo'shimcha o'zgartirishlar kiritildi. 2023-yil 1-mayda u yangi tahrirdan chiqdi. U 6 bo'lim, 27 bob, 155 moddadan iborat. 30-aprelda bo'lib o'tgan referendumda qabul qilingan “O'zbekiston Respublikasi Konstitutsiyasi to'g'risida”gi konstitutsiyaviy qonun 1-maydan kuchga kirdi. Bunga asos referendum natijasiga ko'ra, 11 moddadan iborat tegishli qonunning qabul qilinishi edi. Yangilanish

jarayonida undagi moddalar 128 dan 155 ga, normalar esa 275 dan 434 ga oshdi. Masalan, 1-moddadagi “O‘zbekiston – suveren demokratik respublika” jumalasi quyidagi jumla bilan o‘zgartirildi:

O‘zbekiston – boshqaruvning respublika shakliga ega bo‘lgan suveren, demokratik, huquqiy, ijtimoiy va dunyoviy davlat.

Bosh qomusimizda hozirgi zamon konstitutsiyasidagi umuminsoniy qadriyatlar va va xalqaro huquqning eng muhim me‘yorlari mujassamlashgan bo‘lib, u jamiyat uchun xizmat qilib kelmoqda. Ma‘lumki, huquqiy demokratik davlatning eng muhim shartlaridan biri inson huquqlarini muhofaza qilish sanaladi. Bugungi kunda globallashuv sharoitida har bir xalqning o‘ziga xosligi, qadriyatlari va milliy an‘analarini saqlab qolish, odamlarda ma‘naviyat va didni tarbiyalashda huquqiy ongni shakllantirish qonunchilikning asosiy omillaridandir. Bundan tashqari davlat va jamiyat hayotida siyosiy va sud-huquq masalalari muhim rol o‘ynaydi. Yangilangan Konstitutsiya esa bizga yanada ko‘p imkoniyatlarni taqdim etadi. Bu imkoniyatlar negizida esa albatta rivojlanish, taraqqiy etish asosiy o‘rinda turadi. XXI asr yoshlari o‘z huquqlarini bilishi lozim, chunki shundagina ular o‘zlarini har tomonlama himoya qila oladi va kelajagi uchun adolatli qarorlarni qabul qila oladi. Bunday adolatli va insonlar uchun xizmat qiluvchi qarorlar nafaqat yoshlarni, balki mamlakatni ham taraqqiy etishiga yordam beradi. Yangilangan Konstitutsiyamizda ko‘plab masalalarga e‘tibor qaratildi va ularning hozirgi kundagi hayotimizga amaliy tatbiq etilyotgani har birimizni xursand qiladi.

#### **FOYDALANILGAN ADABIYOTLAR:**

1. <https://uz.wikipedia.org/wiki/Konstitutsiya>
2. <https://cyberleninka.ru/article/n/konstitutsiya-mamlakatimizda-amalga-oshirilayotgan-demokratik-yangilanishlar-poydevori>
3. <https://lex.uz/acts/-81253>
4. <https://uz.wikipedia.org/wiki/Referendum>
5. <https://meningkonstitutsiyam.uz/oz/site/page/konstitutsiyaning-mazmun-mohiyati>